

ხელშეკრულება შესყიდვის შესახებ № 74

(მომსახურების შესყიდვა)

თვითმმართველი ქალაქი ფოთი

9 მარტი 2011 წელი

- 1.1 ერთის მხრივ, თვითმმართველი ქალაქი ფოთი (თვითმმართველი ერთეული), თვითმმართველი ქალაქი ფოთის საკრებულო, მისი თავმჯდომარის ივანე სალინაძის სახით - შემდეგში „შემსყიდველი“ და მეორეს მხრივ, შ.პ.ს „ლაბორატორიული კვლევების ცენტრი“ სახით - შემდეგში „მიმწოდებელი“ ვადასთან ხელშეკრულებას შემდეგზე:
„შემსყიდველი“ ყიდის, ხოლო „მიმწოდებელი“ მიაწოდებს 2011 წლის „სასმელი, სარეკრეაციო და ჩამდინარე წყლების სანიტარიულ-ბაქტერიოლოგიური და სანიტარიულ-ქიმიური გამოკვლევის პროგრამით“ გათვალისწინებულ მომსახურებას. თვითმმართველი ქალაქი ფოთის საკრებულოს 2010 წლის 29 დეკემბრის №15/95 განკარგულების „თვითმმართველი ქალაქი ფოთის (ადგილობრივი თვითმმართველი ერთეულის) 2011 წლის ჯანმრთელობისა და სოციალური დაცვის პროგრამების დამტკიცების შესახებ“ შესაბამისად.
- 1.2 საერთო ღირებულება შეადგენს 12 000 (თორმეტი ათასი) ლარს, (შემდეგში „ხელშეკრულების ღირებულება“).
- 1.3 მომსახურების შესყიდვა ხორციელდება თვითმმართველი ქალაქი ფოთის 2011 წლის ბიუჯეტიდან

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობას, რაც აქვთ მათ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - წინამდებარე ხელშეკრულება;
 - ხელშეკრულების საერთო და სპეციფიკური პირობები;
3. ზემოთ აღნიშნული მომსახურების მიწოდება ხორციელდება ხელშეკრულების პირობების თანახმად.
4. „შემსყიდველი“ იღებს ვალდებულებას აღნაზღაუროს „მიმწოდებელს“ ხელშეკრულების საერთო ღირებულება ხელშეკრულებით განსაზღვრულ ვადებში და ფორმით. ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

„შემსყიდველი“

თვითმმართველი ქალაქი ფოთის
საკრებულოს თავმჯდომარე

ივანე სალინაძე



შ.პ.ს „ლაბორატორიული კვლევების ცენტრი“
დირექტორი

გრიგოლ რუხაძე

ხელშეკრულების საერთო და სპეციფიკური პირობები

1. ხელშეკრულების დამდები მხარეები

1.1 ერთის მხრივ, თვითმმართველი ქალაქ ფოთი (თვითმმართველი ერთეული), თვითმმართველი ქალაქ ფოთის საკრებულო, მისი თავმჯდომარის ივანე სადინაძის სახით (ქ. ფოთი, დ. აღმაშენებლის ქუჩა №12) შემდეგში „შემსყიდველი“ და მეორეს მხრივ, შ.პ.ს „ლაბორატორიული კვლევის ცენტრი“ დირექტორი გრიგოლ რუხაძე (ქ. ფოთი, მიქაბერიძის ქ.#2) შემდეგში „მიმწოდებელი“.

2. ხელშეკრულების საგანი

2.1 ხელშეკრულების საგანია - სასმელი წყლის ხარისხის, სარეკრეაციო და ჩამდინარე წყლების ლაბორატორიული კვლევა.

3. ხელშეკრულების საერთო ღირებულება

- 3.1 შესყიდვის ობიექტის ღირებულება განისაზღვრება – ლარებში.
3.2 შესყიდვის ობიექტის, ამ შემთხვევაში შესასრულებელი მომსახურების ღირებულება შეადგენს 12 000 (თორმეტი ათასი) ლარს.

4. შესყიდვის ობიექტის ხარისხი და გარანტია

- 4.1 მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ამ სფეროში არსებულ, საქართველოში მოქმედ თანამედროვე სტანდარტებს, ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

5. შესყიდვის ობიექტის მიწოდების ვადები, ადგილი და პირობები

- 5.1 შესყიდვის ობიექტის მიწოდების ვადები:
- მომსახურების დაწყება 2011 წლის 1 იანვრიდან.
- მომსახურების დამთავრება 2011 წლის 31 დეკემბრის ჩათვლით.
5.2 შესყიდვის ობიექტის მიწოდების ადგილია: თვითმმართველი ქალაქ ფოთი.
5.3 შესყიდვის ობიექტის მიწოდების პარალელურად მიმწოდებელი ვალდებულია უზრუნველყოს მიღება-ჩაბარების აქტის და ანგარიშგაქტურის წარდგენა. ანგარიშგაქტურაზე შემსყიდველის სახელით ხელს აწერს შესაბამისი უფლებამოსილი პირი.

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტის მიღება ფორმდება საბოლოო მიღება-ჩაბარების აქტის საფუძველზე. მიღება-ჩაბარების აქტს ხელს აწერს თვითმმართველი ქალაქ ფოთის საკრებულოს თავმჯდომარე.



7. ანგარიშსწორების ფორმა, გრაფიკი (ვადები) და ადგილი

- 7.1 მიმწოდებელთან ანგარიშსწორება განხორციელდება - ლარებში.
- 7.2 შესყიდვის ობიექტის მიწოდების ღირებულების ანაზღაურება მოხდება უნაღლო ანგარიშსწორებით - (გადარიცხვა).
- 7.3 ანგარიშსწორება შემსყიდველის მიერ მოხდება მომსახურების მიწოდებისა და წინამდებარე ხელშეკრულების 5.3. მუხლში მითითებული დოკუმენტაციის წარმოდგენის შემდეგ და მიღება ჩაბარების აქტის გაფორმებიდან არაუმეტეს 20 (ოცი) საბანკო დღის ვადაში.

8. მხარეთა უფლება-მოვალეობანი

- 8.1 შემსყიდველს უფლება აქვს:
 - განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- 8.2 შემსყიდველი ვალდებულია:
 - ხელშეკრულებით გათვალისწინებული მომსახურების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ.
 - წერილობითი ფორმით დაუყოვნებლივ აცნობოს მიმწოდებელს მომსახურების შესრულების პროცესში წუნის აღმოჩენის შესახებ.
 - მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- 8.3 მიმწოდებელს უფლება აქვს:
 - მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.
- 8.4 მიმწოდებელი ვალდებულია:
 - დროულად და კეთილსინდისიერად შეასრულოს ხელშეკრულებით ნაკისრი ვალდებულებები.
 - მიაწოდოს შემსყიდველს ხელშეკრულებით გათვალისწინებული მომსახურება 2011 წლის 1 იანვრიდან- 2011 წლის 31 დეკემბრის ჩათვლით.
 - დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

- 9.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 9.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოიყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 9.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10. ხელშეკრულების მოქმედების ვადა

- 10.1 ხელშეკრულების პირობების მოქმედება ვრცელდება 2011 წლის 1 იანვრიდან 2011 წლის 31 დეკემბრის ჩათვლით.

11. ხელშეკრულების პირობების გადასინჯვის შესაძლებლობა

- 11.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 11.2 ხელშეკრულების პირობების გადასინჯვა შესაძლებელია "თვითმმართველი ქალაქ ფოთის (ადგილობრივი თვითმმართველი ერთეულის) 2011 წლის ბიუჯეტის" მოთხოვნათა შესაბამისად.

12. ფორს-მაჟორი

- 12.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ადგილობრივი ბიუჯეტის დეფიციტი, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევა შესაბამისი დროით, გარემოებათა დასრულების შემდეგ.
- 12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 10 (ათი) დღეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 12.3 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

13. დავები და მათი გადაწყვეტის წესი

- 13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების ინსპექტირების პირობები

- 14.1 შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესასყიდი მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 14.2 ხელშეკრულების ინსპექტირებას შემსყიდველის მხრიდან განახორციელებს თვითმმართველი ქალაქ ფოთის მერიის ჯანმრთელობის, სოციალური დაცვის და დევენილთა სამსახური.
- 14.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

15. სხვა პირობები

- 15.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 15.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 15.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 15.4 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან ერთი - მიმწოდებელთან, ერთი თვითმმართველ ქალაქ ფოთის საკრებულოში, ერთი - თვითმმართველი ქალაქ ფოთის მერიის ჯანმრთელობის, სოციალური დაცვის და დევნილთა სამსახურში, ერთი-თვითმმართველი ქალაქ ფოთის მერიის საფინანსო და ეკონომიკური განვითარების სამსახურში. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 15.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16. მხარეთა იურიდიული მისამართები და რეკვიზიტები

„შემსყიდველი“

თვითმმართველი ქალაქ ფოთის
საკრებულოს თავმჯდომარე



ივანე საღინაძე



შ.პ. ს „ლაბორატორიული კვლევის ცენტრი“
დირექტორი

გრიგოლ რუხაძე

მის: ქ. ფოთი, დ. აღმაშენებლის ქ. №12
სს „ლიბერთი ბანკის“ ფოთის ფილიალი
ა/ა GE 94LB0120125805505000 ს/კ № 215138143
ბ/კ №LBRTGE22

მის: ქ. ფოთი, მიქაბერიძის #2
სს „ლიბერთი ბანკი“ ფოთის ფილიალი
ბ/კ 220101424; ა/ა GE12LB0113140194132000;
ს/კ 215139348